

Poziv za izražavanje interesa - Privremeni asistenti na poslovima ažuriranja i zamjene/uspostave zemljišnih knjiga - Općinski sudovi u Orašju, Širokom Brijegu, Tuzli, Gračanici, Sarajevu i Kalesiji

16.10.2023 10:40



Broj:07-45-613/23

Datum: 16.10.2023.godine

POZIV ZA IZRAŽAVANJE INTERESA

Kredit br. IBRD 9048-BA

Tender br. BA-RERPAF-9048-BA-FBiH-CS-IC-21-A.2.2.1B

Bosna i Hercegovina/Federacija Bosna i Hercegovina je na osnovu Sporazuma o zajmu Dodatno

finansiranje za Projekat registracije nekretnina, između Bosne i Hercegovine i Međunarodne Banke za obnovu i razvoj – IBRD dobila sredstva i namjerava da iskoristi dio ovog kredita za plaćanja po ugovoru za obavljanje poslova na Projektu registracije nekretnina-Dodatno finansiranje za radno mjesto:

- Privremeni zemljišnoknjižni asistenti na poslovima ažuriranja i zamjene i/ili uspostave zemljišnih knjiga:

- U Općinskom sudu u Orašju –1 (jedan) izvršilac,
- U Općinskom sudu u Orašju, izdvojena organizacijska jedinica u Odžaku – 1 (jedan) izvršilac,
- U Općinskom sudu u Širokom Brijegu - 3 (tri) izvršioca,
- U Općinskom sudu u Tuzli - 2 (dva) izvršioca,
- U Općinskom sudu u Gračanici – 4 (četiri) izvršioca,
- U Općinskom sudu u Sarajevu – 5 (pet) izvršioca,
- U Općinskom sudu u Kalesiji – 1 (jedan) izvršioc.

Federalna uprava za geodetske i imovinsko-pravne poslove i Jedinica za provedbu projekta Dodatno finansiranje za Projekt registracije nekretnina ovim putem pozivaju kandidate da izraze svoj interes za pružanje usluga za gore navedena radna mjesta.

Opis radnog zadatka:

Rad na poslovima ažuriranja odnosno zamjene i/ili uspostave zemljišne knjige po podacima novog premjera u zemljišnoknjižnim uredima i izdvojenim organizacijskim jedinicama navedenih općinskih sudova.

Potrebne kvalifikacije:

- Pravni fakultet VSS - VII stupanj ili visoko obrazovanje prvog, drugog ili trećeg ciklusa po Bolonjskom sustavu školovanja sa najmanje 180 ECTS bodova,
- Poznavanje rada sa MS Office programima,
- Najmanje 1 (jedna) godina radnog iskustva na poslovima sa visokom stručnom spremom.

Poželjno je da kandidat u vrijeme prijavljivanja na oglas, posjeduje uvjerenja o položenom ispitu općeg znanja, stručnom ili pravosudnom ispitu izdata od nadležnih institucija u Federaciji BiH.

Odabir kandidata će se izvršiti putem pismenog i usmenog dijela testiranja, a testiranje će se provesti u navedenim općinskim sudovima. Pismeni i usmeni dio testiranja sadržavat će pitanja iz oblasti Zakona o zemljišnim knjigama („Službene novine Federacije BiH“, broj: 19/03, 54/04 i 61/22), Zakona o stvarnim pravima („Službene novine Federacije BiH“, broj: 66/13, 100/13) i Pravilnika o postupanju u zemljišnoknjižnim stvarima („Službene novine Federacije BiH“, broj: 58/02, 5/03, 10/07 i 6/22).

Očekivani početak rada u općinskim sudovima je decembar 2023. godine. Rok završetka posla zavisi od broja zaprimljenih prijavnih listova u općinskom sudu. Rad će se odvijati u navedenim zemljišnoknjižnim uredima i izdvojenim organizacijskim jedinicama, a sukladno sa standardnim radnim vremenom općinskog suda, i u suglasnosti sa predsjednikom suda i rukovodiocem zemljišnoknjižnog ureda. Privremeni zemljišnoknjižni asistenti će biti odabrani u skladu sa procedurama Svjetske banke, objavljenim u priručniku “Propisi o nabavkama za zajmoprimce IPF“, srpanj 2016., revidirani rujan 2017., kolovoz 2018. i studeni 2020. godine.

Zainteresirani kandidati su dužni da dostave dokumentaciju (originalne ili ovjerene kopije) kojom potvrđuju da ispunjavaju potrebne kvalifikacije navedene u ovom Pozivu za izražavanje interesa.

Izrazi interesovanja (prijava na konkurs), biografija, kao i potrebna dokumentacija (dokumentacija kojom se dokazuje ispunjavanje uslova iz konkursa, navedenih u dijelu: Potrebne kvalifikacije) moraju biti dostavljeni najkasnije 15 dana od dana objave ovog oglasa u dnevnim novinama, na sljedeće adrese:

- Za Općinski sud u Orašju, prijave na adresu: OPĆINSKI SUD U ORAŠJU, JUG I, Zaobilaznica b.b. 76 270, Orašje;
- Za Općinski sud u Širokom Brijegu, prijave na adresu: OPĆINSKI SUD U ŠIROKOM BRIJEGU, Ul. Pobijenih franjevac 1, 88 220 Široki Brijeg,
- Za Općinski sud u Tuzli, prijave na adresu: OPĆINSKI SUD U TUZLI, ul. ZAVNOBiH-a bb, Tuzla 75000;
- Za Općinski sud u Gračanici, prijave na adresu: OPĆINSKI SUD U GRAČANICI, ul. Armije BiH br 8, 75 320 Gračanica;
- Za Općinski sud u Sarajevu, prijave na adresu: OPĆINSKI SUD U SARAJEVU, ul. Šenoina br. 1, 71 000 Sarajevo;
- Za Općinski sud u Kalesiji, prijave na adresu: OPĆINSKI SUD U KALESIJI, ul. Žrtava Genocida u Srebrenici br. 12, 75260 Kalesija.

Neblagovremene i nepotpune prijave neće biti uzete u razmatranje.